



Visoki predstavnik se sastao sa evropskim komesarom Hahnom

Visoki predstavnik Valentin Inzko danas se u Briselu sastao s evropskim komesarom za politiku susjedstva i pregovore o proširenju Johannesom Hahnom.

Tokom sastanka, razgovarali su o trenutnoj političkoj situaciji u Bosni i Hercegovini.

“U pogledu političke situacije u BiH i njene perspektive, postoje dva jasno vidljiva, ali međusobno suprotstavljenja trenda koja teku na dva paralelna kolosijeka. Jedan trend je pozitivan i ide u pravcu članstva u EU, dok u okviru negativnog trenda političari nastavljaju s aktivnostima koje vode ka podjelama i nazadovanju.”

“Politički lideri se ne bi trebali baviti isključivo skupljanjem političkih poena, nego potrebama građana i zemlje u cjelini”, dodao je visoki predstavnik.

Tokom svoje posjete Briselu, visoki predstavnik će se takođe sastati s izvjestiteljem Evropskog parlamenta za Bosnu i Hercegovinu, Cristianom Dan Predom, kao i sa nekoliko zvaničnika Vijeća za politička pitanja i sigurnost (PSC) i Službe za vanjsko djelovanje EU (EEAS).